



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ASSOCIATION OF THE FORESTRY ENGINEERS AND TECHNICIANS FEDERATION OF BOSNIA AND HERZEGOVINA

T.R.N.: 1011010000430716 - Privredna banka Sarajevo

ID: 4200201050000; P.B.: 01078773

Izvjestaj o radu

Udruženja inženjera i tehničara šumarstva Federacije Bosne i Hercegovine UŠIT FBiH za 2010. godinu

U skladu sa Planom rada Udruženja inženjera i tehničara šumarstva Federacije Bosne i Hercegovine za 2010. godinu koji je usvojen na VIII redovnoj Skupštini UŠIT-a, koja je održana dana 19.3.2010.god., te u skladu sa Odlukama i Zaključcima Predsjedništva, provođene su sljedeće aktivnosti:

Jačanje kapaciteta i unaprjeđenje organizacijske strukture Udruženja:

- Izrađen je prečišćeni tekst Statuta Udruženja u skladu sa izmjenama i dopunama sa VIII Skupštine UŠIT-a, isti je usvojen na II Vanrednoj Skupštini, registracija je u toku.
- U cilju efikasnijeg djelovanja, a u skladu sa odredbama Statuta UŠIT-a, konstitusana su radna tijela i komisije, izrađeni su i usvojeni poslovnici i procedure o radu Udruženja i svih organa Udruženja.
- Kontinuirano je promovisano kolektivno članstvo svih šumarskih institucija, fakulteta, srednjih škola, preduzeća i drugih subjekata koji imaju značaj za šumarski sektor. Pristupili su novi kolektivni članovi (Šumarski fakultet, Šumarstva „Prenj“ i „Ljuta“) a stvorene su pretpostavke da u 2011. pristupe i kantonalne Uprave za šume.
- Nastavljena je aktivna saradnja sa Hrvatskim šumarskim društvom-Mostar, u cilju ostvarenja zajedničkih interesa od značaja za šumarsku struku, te zajedničkog i koordiniranog nastupa po svim važnim pitanjima iz oblasti šumarstva.
- UŠIT je aktivno učestvovao u radu Savjeta šumarskih udruženja Bosne i Hercegovine (SŠU BiH) na svim projektima za koje je postignut koncenzus, a naročito na zajedničkom nastupu na regionalnom i međunarodnom nivou u cilju afirmacije šumarske struke i promocije šuma/šumarstva Bosne i Hercegovine,
- Provedene su aktivnosti na potpisivanju Memoranduma između Generalne direkcije Turskih šuma i Savjeta šumarskih udruženja Bosne i Hercegovine. Visoka delegacija Turskih šuma na čelu sa generalnim direktorom je bila u posjeti BiH (Sarajevo i Mostar)
- Formirana je Komisija za šumarsko zakonodavstvo UŠIT-a FBiH sa zadatakom da se aktivno uključi u trenutne aktivnosti na izradi Zakona o šumama Federacije BiH, da skupa sa svim ostalim akterima šumarske politike i zainteresiranim stranama doprinesemo izradi modernog i funkcionalnog Zakona o šumama Federacije BiH. Komisija za zakonodavstvo je zajedno sa komisijom Šumarskog fakulteta i komisijom HŠD aktivno radila na usaglašavanju teksta Zakona o šumama koji je predložio Savez općina i gradova FBiH. Predsjedništvo je usaglašene stavove komisija za zakonodavstvo prezentiralo Skupštini UŠIT-a te za iste dobilo podršku. Skupština (II Vanredna, Sarajevo 09.12.2010.) Udruženja inženjera i tehničara šumarstva Federacije Bosne i Hercegovine u potpunosti podržava stavove Predsjedništva Udruženja koji su upućeni nadležnim organima vlasti Federacije Bosne i Hercegovine u kojima je:



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ASSOCIATION OF THE FORESTRY ENGINEERS AND TECHNICIANS FEDERATION OF BOSNIA AND HERZEGOVINA
T.R.N.: 1011010000430716 - Privredna banka Sarajevo
ID: 4200201050000; P.B.: 01078773

- Izražena duboka zabrinutost povodom trenutnog stanja u oblasti šumarstva na nivou Federacije Bosne i Hercegovine te negativnim posljedicama koje isto može izazvati.
- Iskazana spremnost Udruženja inženjera i tehničara šumarstva Federacije Bosne i Hercegovine da sve svoje kapacitete stavi na raspolaganje i konstruktivno saraduje sa svim relevantnim subjektima u oblasti šumarstva, zakonodavnom i izvršnom vlašću, nevladinim sektorom, naučno-obrazovnim institucijama i međunarodnim organizacijama u cilju izrade i hitnog donošenja adekvatne zakonske regulative koja bi omogućila očuvanje šumskih resursa i unaprjeđenje razvoja sektora šumarstva u Federaciji Bosne i Hercegovine.

Finansiranje:

U cilju obezbjeđenja kontinuiranih prihoda za funkcionisanje i rad UŠIT-a uvažavajući prijedloge sa Skupštine, u 2010. god. Predsjedništvo je poduzimalo je sljedeće:

- Provođenje aktivnosti na potpisivanju i realizaciji Sporazuma i Ugovora za finansiranje šumarskih udruženja (UŠIT, HŠD) sa ŠPD/ŠGD na osnovu dosadašnjih kriterija,
- Razmatrane su realne mogućnosti te poduzimane aktivnosti za izmirenje zaostalih obaveza po ranije potpisanim Ugovorima sa ŠPD/ŠGD,
- Izrađena su dva Projekta koji su aplicirani za finansiranje iz Budžeta BiH i Budžeta Federacije BiH, na žalost nisu prihvaćeni.
- Kontinuirano su provedene aktivnosti na iniciranju prisupanja novih kolektivnih članova te pojedinačnih članova putem pristupnica koje se nalaze na web stranici i plaćanje godišnje članarine,
- Imenovana je komisiju za marketing i sponzorstvo sa ciljem da se prikupe određena finansijska sredstva za rad UŠIT-a a naročito za štampanje lista Naše šume,

Izdavačka djelatnost, stručni radovi, obrazovanje, seminari i savjetovanja

- Izdata su dva broja časopisa „Naše šume“ evidentno je veće angažovanje šumarskih i drugih stručnjaka kao saradnika, što je posebno značajno zbog referentnosti lista u Bosni i Hercegovini, Europi i svijetu,
- Provođene su aktivnosti na izradi novog dizajna časopisa, aktivnost je u završnoj fazi.
- Predsavnicima Udruženja su učestvovali u aktivnostima u okviru izrade Šumarskog programa FBiH (panel diskusije, ankete, intervjui) a naročito putem javnih rasprava u cilju zaštite interesa šuma i šumarske struke.



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ASSOCIATION OF THE FORESTRY ENGINEERS AND TECHNICIANS FEDERATION OF BOSNIA AND HERZEGOVINA

T.R.N.: 1011010000430716 - Privredna banka Sarajevo

ID: 4200201050000; P.B.: 01078773

- Putem medija i drugim aktivnostima dat je doprinos na propagiranju rada Udruženja, Savjeta šumarskih udruženja BiH, šumarstva i lovstva kao privredne grane, te uloge šumarskih stručnjaka u zaštiti čovjekove okoline.
- Predstavnici Udruženja su učestvovali u aktivnostima (kada smo bili pozvani) koje su provodile vladine institucije na svim nivoima vlasti, nevladine organizacije, naučno-nastavne institucije, preduzeća i drugi, a tiču se šumarstva i lovstva nastojati zaštititi i promovisati-afirmisati interese šumarske struke.

Studijska putovanja, ekskurzije, manifestacije

- U cilju unapređenja stručne saradnje između šumarskih strukovnih udruženja Bosne i Hercegovine i Mađarske pripremljena je posjeta Mađarskoj, ali je odlazak prolongiran za april 2011.god. zbog uvođenja bezvignog režima i izbjegavanja nepotrebnih troškova.
- Organizovan je doček kolega iz Turske i Mađarske u Bosni i Hercegovini uz predstavljanje šumarstva BiH, kao i kulturnih i prirodnih znamenitosti.
- U skladu sa iskazanim interesima članstva organizovana je posjeta međunarodnom sajmu šumarstva INTERFOST, zbog slabog odziva i globalne ekonomske situacije većina učesnika je otkazala učešće, a za kolege koji su putovali pružena je tehnička podrška pri organizovanju odlaska na sajam.

Sve navedene aktivnosti realizovane su uz velika ograničenja, prije svega finansijska ali i angažman članova Udruženja naročito koji su imenovani u radna tijela i komisije nije bio na zavidnom nivou. Samo aktivnijim radom svih organa Udruženja, naročito Predsjedništva, te aktivnije učešće svih članova moguće je unaprijediti rad Udruženja.

Za Skupštinu Udruženja,
Predsjednik Predsjedništva